

烏青鎮志卷十九

清烏鎮同知董世寧原修

里 人盧學溥續修

風俗

兩鎮之聲名文物駸駸乎鄒魯矣邇來時風眾勢一切冠昏喪祭暨服適器用之細未免有越禮而驚眾者然茅隨風靡政由俗革是在君子矯其弊而力挽之志風俗

俗尙氣好勝貴質儉富民不出境士夫多才能市業生理甲于他鎮子弟敏秀好文自嘉隆以來繫學籍者百有餘人科

烏青鎮志

卷十九

風俗

一

第不絕男女信卜筮崇淫祀疾則先禱祠而後醫藥地近海間有奸僞無行者率販鹺爲生民多好訐負則逸入他境雖專官統治厥風未殄昔人尊齒重讓貴賤不凌軋無作誹議無務奢靡無尙爭鬪愚賤者必有所稟畏今也或是之亡矣

李志

烏青壤齒相錯環帶萬家物聚則繁利聚則爭大抵然也是以椎埋之剽劫鹽販之走死厘有心世道者之躊躇久矣近年四方昇平鷹眼已化男子務耕桑服商賈婦人閨閫謹嚴勤紡織工蠶繅非至親不輕見客鄉先生不作氣加人無綺靡之習視他域殊勝矣甲乙科莫盛于宋之南渡明至嘉靖

間始有與禮部選者入皇清人文蔚興科第之蟬聯茂才俊秀之濟濟遠近莫之與比

文獻以上董志以

兩鎮風氣敦樸畏訟重恥人性柔懦安土重遷士雖貧不親負荷再嫁之婦至戚不相往來未字之女家貧不願作妾此風猶古也

近自甲乙科廢止學校林立男女均須識字讀書鄉村亦設鄉校農民雖務耕織而年幼者亦入鄉校鎮市男女必入小學男子優秀者由中學而大學並多出外謀生女子在中等以上之家亦有入中學師範大學各校天足革履時裝旂服間亦得於商學界佔一席焉其昔時販鹺之徒今已絕跡惟

烏青鎮志

卷十九

風俗

二

鄉票劫案時有發生亦隱憂耳

以上新纂

冠 往時男子十四五歲養髮長為總角將昏始行冠禮今

者古制變而從時亦勢使然爾女子將嫁乃笄冠笄之日蒸

糕以餽親鄰

名上頭糕

按冠禮甚鉅稽經諏律酌古今之宜而行

之是在君子

董志

冠禮久廢而鄉俗猶存遺意於將婚時行之自入民國後男女均剪髮冠笄禮逐漸廢止加笄禮間有舉行者而加冠禮等於告朔餼羊矣

新纂

婚 憑媒議婚先通名曰傳紅登女家之門而拜求者曰拜紅致禮幣為定曰求吉曰回吉曰謝允曰住口蓋異名而同

實也次行納采問名之禮

俗稱定親又曰行聘

遇令節有饋儀曰支節

將婚行納幣禮

即納徵

或止行請期禮

俗稱准日又曰道日

前期一月則

有速嫁之禮

仍用幣段及四季裙襖七事衣釵釧花結豬羊酒米粉麩果實之類或以銀代

女家筭

女而醴之曰待嫁先一日整粧奩陳婿室曰鋪房迎娶之日

又有催粧抱嫁等節目煩瑣不能盡述獨奠雁最為近古婿

攝盛用命服

庶人用儒服

行奠雁禮

執雁者授于婿婿置于地主侍者受之

畢婿揖

新人行女從之婿舉轎簾以俟女登轎婿先行轎隨之既至

家交拜禮畢歸房行合巹禮

俗謂之結花燭

司儀致語以果四投曰

撒帳明日見舅姑

有贊曰上見禮

舅姑以新婦見于祠堂至是而婚

事畢矣或十二朝或二十四朝無定期婦家備牲醴果實來

烏青鎮志

卷十九

風俗

三

祀竈逾月婦歸寧曰回門返夫家各贈以履按朱子家禮合

六禮為三禮蓋納采兼問名者即今具採擇之禮以求庚帖

也納吉兼納徵者即今之卜吉而下禮幣也請期親迎者謂

選擇婚期請于女氏女氏許諾即行親迎之禮是皆典而有

據簡而易從可見古禮並非煩重難舉而狃習故常者可異

爾董志

今之婚禮與舊制略同第漸趨簡單憑媒議婚問名納采請

期肅

董志作速

戒迎娶廟見諸禮今猶如昔惟風氣漸趨時俗間

有先由男女同意始行請示父母互換飾物再挽冰人行傳

紅納采之禮又有所謂行文明結婚者新娘到門鼓樂導入

庭設禮堂有人贊禮請望重者爲證婚人用婚書中設禮席贊禮者高唱儀節證婚人介紹人卽冰人主婚人以次入席兩家男女賓分左右座新郎新娘盛服由男女擯相伴入禮堂面北立證婚人宣讀婚書畢新郎新娘各蓋小印互換飾物證婚人介紹人主婚人均於證書上蓋印畢新郎新娘東西相向立各三鞠躬行相見禮證婚人主婚人致訓詞來賓致頌詞踏琴唱歌新人謝證婚人介紹人及男女賓各行一鞠躬禮禮畢退新郎新娘偕入洞房合盞卸裝當夕上旛祀祖並拜見舅姑及諸姻婭仍行跪拜禮更設宴款新娘名花筵翌晨參竈三朝內賀客到房嘲笑喧譁皆所不禁名鬧新房

烏青鎮志

卷十九

風俗

四

此外回門十二朝二十四朝各禮均仍如舊其贈嫁之具昔甚簡樸中等之家所值僅一二百金邇年俗尙奢靡富家倡始而中等之家相率效尤大抵自四五百金至千金不等甚至割產舉債或高索禮金司閫摒不裝嫁此外尙有生女無子招婿嗣續者曰贅婿又預領養媳迨其成人而婚者曰併親男子訂婚無力迎娶赴女家搶新娘隨行結婚禮者曰搶親喪妻再娶曰續絃年老無子妻在而納女曰娶妾男女結婚後意見不合提出解約者曰離婚又或因父母病而倉猝婚嫁者謂之冲喜父母新喪或因門戶零丁支持乏人旣婚乃訃謂之撤親男女均夭而聯姻戚謂之冥婚女夭而迎櫬

者謂之娶字此近來婚事之大概也

新纂

喪 人始死

俗令道家以六輪經辨生肖所忌謂之批書

男被髮徒跣女壘訃告

戚族戚族往唁者以綿帛綈之

俗名遺襄

三日大殮成服作佛事

有生人干支與煞相沖犯者避之謂之避煞孝子則仍居喪

次吹劍錄俗巫以人死推算如子日死則損子午卯酉生人

付之老嫗家僕記日凡附于身者必誠必至煞回日延開士

禮懺設靈牀陳死者衣服名接煞湖錄宣室志人死數日當

荒唐之說自唐已然家規通俗編陰陽家以人死年月之干

支推算死者離魂日數以為死後如其日數而魂來復于是

計日用巫祝招之世俗弔用香紙燭錠奠用牲醴庶羞或並

烏青鎮志

卷十九

風俗

五

記凡有服不與于樂且禮鄰有喪春不相里有殯客或酣呶

醉飽而散主賓胥失之矣按晉書劉隗傳廬江守梁龕明日

周顥等三十餘人同會隗劾請免龕官削侯爵顥等各宜奪

俸一月從之顧炎武曰當日期功之喪猶以為重今有脫齊

衰而入大夫之門停殯宮而召親朋之會者敗禮七終止弔

主人乃具衰麻造親戚之門拜之俗名謝孝二十七月撤几筵俗

除靈親知拜于三年之內自七七百日期年再期七月十五

迄于除服類延僧尼道士以資冥福萬斯同曰古喪禮無七

壽陵之詔云過百日猶四時設奠百日之說始見于史或者

謂古禮三月而葬三日而卒與百日正合三月之期不知三

月乃士大夫之禮明帝天子也而用之乎他若魏胡太后之

追報其父北齊孫靈暉之追報其王皆用七七百日之說但

亦止于此時設齋行道初非竟用以為治喪之節也至楊垂

七七齋設但以其日送卒者衣服于佛寺而李習之猶闢之

則知中唐之世猶未盡用其說以為治喪之節也今率天下而用為治喪之節嗚呼正禮不行羣宗邪說庸非司世教者之責其葬也敦請達尊祀后土題神主按家禮以孝子凶服賓友吉服者祀之其題主也命子弟吉服善書者可矣世尚虛文率請名位人豐饌厚餽以為禮顧于殮葬則儉焉亦感矣四方送葬者輻輳而會主家各有程儀及舟車僕從之犒

鄉愚貧不能辦者甚至將屍燒化拾骸骨貯于瓮埋之荒野按律從祖父遺言而燒化者杖一百若非祖父遺言而燒化者當引刑律發塚條內子孫于祖父母墳墓熏狐狸燒及其屍者絞之律然此初非有心于燒化今相習成風竟出有心則律當從重無疑若不幸親歿遠方不能歸葬而從權燒化歸其骨者並聽從便以此言更有阻葬惡習糾集奸匪之則人子謀葬其親不可不亟矣

橫索酒食銀錢厥費倍蓰于營葬此最為風俗人心之害千百為羣谿壑不飽或顛倒其棺或昇以投諸河或持耒耜斫斷之并有事後百計侵損使人不敢望墓而祭不第塞流烏青鎮志 卷十九 風俗 六

斷港伐樹縱火之為也營葬家每以兆域所在隱忍以饜其欲而養奸既深刁風遂滋蔓而不可遏今者現示嚴禁第一時不能盡蔽其辜再俟詳禁立石以垂永久則于生者死者均有裨云 董志

喪事禮節董志綦詳惟弔奠之舉名領帖昔時僅巨室大家擇期開喪乃用訃告今則中等之戶亦遍送訃聞訃聞上刊故者職銜

生年卒月下刊五服子孫及族人其家世較大者再加遺像經顯達者題以像贊並用哀啟或行狀詳述故者事實於三七或五七或百日或擇日開弔平等之家則於神回舉行

不用訃告者居多至大家領帖於前一日大張筵席名知賓筵正日設奠用幕門喪牌迎送弔客則傳鼓打點祭奠昔行跪拜禮今改鞠躬

次日宴賓謝慰亦有於即夕行之者題主之禮或即於開弔前一日行之或於當日出殯多用軍樂戚友路祭中等之家舉動較簡

舊時出柩每於深夜行之名偷出今多鳴鑼開道并用僧道

送行撒几向以二十七月為期一週為小祥再週為大祥今禪服三月合二十七月

有於神回日或終七或百日或期年行之者昔時撒几親屬

均於當晚釋服今均於上日作佛事即夕放燄口破曉釋服

正日作吉事論其子孫均吉服設紅位於中堂賓客來奠者

名送紅位昔時名送座即晚奉粟主入家祠倘不俟服滿而撒几

者其子孫仍素服或臂纏黑紗以誌其哀若葬事戚友均以

旺香燭爆粉糰致禮大家則設安葬筵親友到地送葬其有

營生壙者穴內置油燈男壙供壽星女壙供王母均以磚製但世

俗惑於風水停柩不葬者居多今火葬之風雖熄鄉村仍有

烏青鎮志

卷十九

風俗

七

埋骨入甕之舉市鎮均借義院存仁堂暫寄及浮屠鄉野者

不可勝計有力之家營葬動必千金無力者又不肯草率既

惑迷信又限財力葬事遂致遷延今通都大邑盛行公墓烏

青尙未舉辦也新纂

祭 士大夫之家祭高曾祖禰為四親自忌辰外歲時之祭

元旦是日懸先人遺像或三日五日每日獻茶果撒像之日設饌享之清明夏至七月望十

月朔冬至除夕祭品豐儉不同無有廢祀者按禮四時之祭

春日祠春物始生孝子思繼嗣而食之夏日禱以麥始熟可禱秋日嘗秋黍先熟可薦而嘗新

冬日烝萬物畢成所薦於四仲月或分至日行之與俗祭亦

約略相當獨七月望日相傳地獄中放一切鬼赴盂蘭盆會

俗因之設祭其說不經非唯儒家所不道即釋氏如蓮池集內亦痛辨其謬祭墓于清明日十月朔舉行以先人體魄所藏瞻拜之餘寒煙蔓草愴焉生悲禮以義起可已祭畢環省塋域除草棘添土懸紙旛樹上謂之飄白或曰藉以招魂云張炎貞以墓祭非古然潛邱閣若璩嘗辨之其說載四書釋地則不得謂之非古矣第為期書缺有間而俗于清明十月朔行之者掌故集云霜露感情不能自已固孝子之情也又有竈祭張炎貞云竈為五祀惟得祀先及歲莫祀竈制也按鄭康成注陽氣土地祭朱子盛熱于外祀之于竈從熱類則似當在孟夏矣土地祭大全集有四時祭土地文隨俗行之所謂禮從宜也五祀祭禮月令春祀戶夏祀中雷惟夫並祭之中雷者室中土神所謂住居土地是也例應祭今人出行遠方則有祖道之祭非門行戶耶間一設祭亦其宜也里社祭張炎貞云祀五土五穀之神所謂土穀神祠今之烏青鎮志

卷十九

風俗

登每歲一舉會首輪值按禮明堂位大蜡天子之祭也又郊特牲蜡也者索也合聚萬物而索饗之也凡山澤川陵土祇天神下至禽獸水庸皆與焉而以專祇兩鳴五穀當之則小矣惟月令大割祠于公社春祈而歌載芟秋報而歌良耜與今所謂里社之祭約略相似又俗歲兩祠水火神按鄭注水火二官自古以來著德立功者也而春秋左氏傳亦云封為上公祀為貴神則水火之神由來舊矣非他淫祠野廟可比兩鎮有家廟者無多其歲時奉先率皆陳于庭中望空而拜焘蒿悽愴禮固未之有缺也顧天帝至尊流俗恆於元旦祀之僭妄甚矣若夫忽視醫藥崇尙祈禳如酬神齋土祭非其鬼者比比隋志云江南信巫鬼重淫祀殆風氣使然哉董志

祭祖祀神今猶如昔家祭於祖先祇祭忌辰近有誕日致祭名生忌新婦祭墓曰上花墳營葬後祭三朝墳除靈祔廟亦

有三朝家祭之禮又有所謂冥壽有設宴作水陸者至祀神

則更有祀太赤子墮地當日祀太君名落地太三朝再祀名

家來祀備具福物牲醴粉糲并遺兒帽兒服周歲祀太名祭

周太亦有由外祖家來祀備具福禮粉糲兒帽兒鞋等物以

備啐盤之用此後三歲六歲止齋星男女十六歲謝太齋星所

九歲均祀太君至十六歲止患病之家巫醫並進仙丹神方祭土祝祭

五十歲均祀六十歲七呼魂送奠迷信不減於前也新纂

正月 元旦昧爽起肅衣冠門首焚黃曰迎喜神詣中堂拜

天地謂之次拜竈謂之祀土地神自初一至初十喜晴俗

次拜祠堂及先人像糕先于除夕設香燭次拜家長長幼以

次遞拜親鄰彼此投賀謂之多閉門辭不見是日不炊除

烏青鎮志 卷十九 風俗 九

預為飯以食禁掃除汲水爆竹自子夜達曙相傳以驅疫

謂之隔年飯癘簷前插芝蔴梗謂之節節高簽大橘于栢枝上著之謂

百事大吉昆弟交戚過從飲椒酒子弟鳴鈺擊鼓以相娛

樂三日為小年朝九日道家禮玉帝曰拜皇俗傳是日十

三日街市試燈好事者為藏頭詩句任人商揣曰燈謎又

紫造滾燈及龍象獅馬等燈遊戲街市邨落間東薪木末

颺以緋帛夜則金鼓流星花爆侑以贊詞羣聚而焚之曰

燒田蠶蓋祈年也上元夜婦女遊橋熬香燭逢橋插之十

八日收燈屑秫為丸謂之燈圓立春延客用春餅古辛盤

遺意人家召蘆姑廁姑以下一歲家宅田園兒童輩競放

紙鳶

諺云楊柳青放風箏董志

元旦出門走喜神方婦女赴神廟拈香名十廟香初三日

接土地神安竈神

亦有初五日安竈

初四夜齋財神

名接路頭因有五路財神

之名云五日誕辰先夕齋祀

並迎財神會沿街施放竹爆以表歡迎商

店進出夥友均於是日定之初五日開市五日前商市休

息競事賭博沿街不避兒童均赴西寺修真觀

昔在西土地堂購

取玩物並有遊分水墩登壽聖塔者自初一至十日各有

所稱

諺云一雞二犬三羊四豬五牛六馬七人八穀九蠶十麥

十三日試燈已廢如有

迎燈諸興均於元宵行之元宵名燈節宜晴

諺云雨打正月半一年勿

好看二十日名天穿日多為幼女穿耳二十八日為遭庚申

烏青鎮志

卷十九

風俗

十

之難紀念斷屠官紳致祭忠義祠名警心會

今其餘仍如廢

舊俗

新纂

二月 朔日為中和節二日為踏青節士女皆戴蓬蒿

諺云蓬蒿

先日草戴了春不老

煮所藏年糕食之云令人健是日下瓜茄菜種

八日俗傳祠山大帝生日前後必有風雨謂之請客風送

客雨

東南風謂之上山風西北風謂之下山風逢王上天

十二日為花朝晴則百果

成實十九日俗傳觀音大士聖誕辰

董志

初三日為文昌誕科舉未廢時士人集文昌閣以牲醴祝

誕散胙飲酒名文昌會十八日俗傳達摩僧過江前後有

風雨之兆春分忌雨

諺云春分無雨病人稀

遷居者俗忌本月暨八

月諺云二八兒童於是月開始播種牛痘鄉村好事者釀

錢演劇名春臺戲天氣和暖並有駕船赴杭燒香者餘俗

如舊新纂

三月三日為上巳節沈約云不拘于逢巳日也男女各帶薺花諺云三春戴薺

花桃李是日聽蛙聲以卜水旱諺云田家無五行水旱卜

叫上下皆熟晚撒螺螄於屋上謂之除瓦刺又謂之趕

白虎清明前二日為寒食簷前插楊柳男女亦各戴之諺云

清明不戴柳人家上墳祭祀竈易旛食角黍是夜育蠶

家設祭禳白虎門前畫石灰象弓矢驅蠶崇也食螺螄名

挑青蓋蠶病謂之青娘故深惡而痛絕之翌日謂二明日

烏青鎮志

卷十九 風俗

邨男女爭赴普靜寺祈蠶及穀雨收蠶子乃罷諺云穀雨

二十八日為春社競傳為東嶽生日或誦經上壽或枷鎖

伏罪甚至紫扮故事迎演數日所謂費財於無謂也董志

聽蛙撒螺今均於清明上一夕行之并有聽葉仙書者蠶家

晚膳後出門竊聽人是夕蠶家男女家人均不得宿於他

家并以牲醴齋神鄉村蠶家重清明齋神名清清明宜暖

諺云清明熱只話蠶桑葉萌芽諺云清明一粒穀蠶婦要哭清

明後村男女赴普靜寺燒香今名香市諺云三月初一廟

攤均設烏將軍其時有洋片攤糖攤馬戲髦兒戲傀儡戲

諸娛樂場游人甚眾並有赴杭燒香回來云燒回香幼童

沿路拜香燃臂香以銅勾穿臂肉身燈以銅勾穿額及肩

間周圍札繩如網下懸油燈及胸攀竹梗撐腰笙簧喧譁齊至普靜寺頂禮名報孃恩河

港中更有競渡者駕划船挑四櫓槍刀鬪勇名達拔船西

柵高橋下塊尙有名燒茅場者臨時設攤售物以供關外

香船購買穀雨收蠶香訊漸淡十六日宜晴諺云三月十六亮燦燦老

葉挑來十九日相傳太陽生日家家拈香燃燭明崇禎於是日殉國

或民間愴懷舊至春社東嶽會之舉聞故老相傳頗極一

時之盛今久廢其餘掃墓禳蠶等俗迄今未異新纂

四月 麥秋麥以孟夏為立夏飲燒酒啜新茶噉新梅蠶豆

櫻桃芽穀餅云可解注夏之疾八日相傳釋迦生日小滿

烏青鎮志 卷十九 風俗

動三車油車水車絲車十四俗傳呂洞賓生日晴主歲豐二十日

為小分龍日驗風及晴雨以下旱潦董志

立夏節新娶婦家母家餽粉糰芽麥餅名致夏節屆日飲

酒嘗新男女以秤權輕重云可不注夏兒童飲粉狗湯米粉

象狗並於衣服上加穿夏衣又募米拾柴作野竈炊飯名

野火飯食之云可身健葉行設櫃開市八日又云浴佛節

婦女競購魚蝦放生十四日呂祖誕今崇福宮純陽殿作

樂祝誕並開素齋較前為盛十六日晴則水雨則旱惟陰

雲為佳諺云天上有一二十四日俗傳朱天君誕雲地下一有雨近今香烟

亦盛是月為蠶月採葉船入夜通行茶酒肆夜亦有市農

家閉戶飼蠶杜絕往來錢糧停徵鄉校放假謂之蠶關門
至採繭時親戚餽遺謂之望山頭煮繭繅絲謂之蠶開門
時屆小滿田事又忙矣新纂

五月 五日為端午節一名天中節忌遷徙弔問道家以天

師符分送施主堂上懸張真人像或關聖俗傳十三誕辰鍾馗像

門插葵艾食角黍飲菖蒲酒穿赤豆綴辮髻作百索繫小

兒臂剖繒為囊貯雄黃佩之婦女剪綵繒為人形謂之健

人殊書五月五日天中節赤口白舌盡消滅之句饌具多

用黃魚然蒼朮芸香諸物除濕氣末石黃蘸水灑牆壁以

辟蛇蟲十三日忌雨田家五行云五月十三連夜雨明年早種白頭田二十日為

烏青鎮志

卷十九

風俗

三

大分龍與小分龍同占諺云二十分龍廿一雨車兒擱在衙堂裏二十分龍廿一鬣拔起黃

秋種赤豆芒種逢壬立梅是日亦忌雨諺云雨打梅頭無水灑犁頭農家祀

神蒔秧日發黃梅家貯梅水夏至喜雨諺云夏至日個逢雨一點值千金逢

庚日斷梅為三時不宜雷謂之禁雷天諺云高田只怕腰繩爆低田只怕送

時半月內勿淋灰浣衣即月令毋刈藍以染毋燒灰毋暴

布之意夏至後九九氣候一九二九扇子不離手三九二

十七冰水甜如蜜四九三十六拭汗如出浴五九四十五

頭帶秋葉舞六九五十四乘涼不入寺七九六十三上牀

尋被單八九七十二思量蓋夾被九九八十一家家打炭

擊董志

本月新娶婦家母家餽老虎花紙扇角黍名致端節五日

端午雷主絲貴千日商店為第一期節賑開單催收並有下鄉

收賑名十三日為關帝誕崇福宮關聖殿祝誕設宴名關

帝會里人迎周倉會十一日忌雨諺云大旱只十五日迎

瘟元師會主辟疫霉雨到農家種田諺云彭祖公公壽八

惟霉水過大則苦澇白魚來則定諺云黃白魚夏至節設

靈之家親戚送紙涼牀焚化是日東南風主旱西南風主

澇諺云夏至東南路斷二十分龍日各坊義龍羣集西寺

前曠地表演水力昔有龍神戲今廢是月絲繭登場繭行

開秤絲莊開市商業較為繁盛新纂

烏青鎮志

卷十九

風俗

古

六月 三日宜雨諺云六月初三晴竹篠盡枯零又云逢四

日祀竈小暑日雨謂之倒轉黃梅並忌六日為天貺節曝

書畫衣服農家則曬簑笠視褲以應一年之候釋氏舉曬

經會邨婦往寺中以綿拭經名指經家家膾肉裹麪作匾

食俗呼餛飩是日洗頭髮滌梳具昇猫狗浴于河大暑候

宜熱諺云六月不忌霧諺云六月裏迷霧伏日造醬不生

蟲是月插青畢農人賽田峻名青苗會董志

六日俗有曬水浴兒云免瘡瘍六月日烈諺云六曬經會

已廢十九日相傳觀音大士成道日亦云誕辰婦女均赴

普靜寺燒香二十四日為雷祖誕多持齋蔬食並有婦女

竟日斷炊以瓜果爲糧名曰清齋亦有終月不食葷者謂之雷齋又有豎竹竿於庭或簷前上懸兩燈逐日點燭名點天燈各坊又於本月內先後赴水火神祠齋祀晚間散福名二德會兄弟分炊例於是月行之取兩平之意時屆大暑炎熱疫癘易生街衢瓜果食物均罩碧紗大戶施送痧藥醫生開始送診此外俗習今仍如昔新纂

七月 立秋小雨爲吉晴則萬物少成熟七夕婦女對月穿針乞巧小兒女採鳳仙花染指甲土人迎賽金元七總管之神又迎三元會扮擡閣故事窮極巧麗費金錢無算按神於祀典無據而吳越喜訛尙怪淫祠野厲動見尊崇此

烏青鎮志

卷十九

風俗

五

亦流俗之失也十五道家謂之中元地官赦罪之辰僧人建盂蘭盆會放水燈謂之照冥人家設水陸道場追薦先亡攝召孤魂餒口施食以資冥福晦日爲地藏誕辰沿門點香燭名點地燈董志

三元會久廢各坊盂蘭盆會仍行惟放水燈則鮮觀矣十五日爲中元節輿城隍神張巡赴豐德庵演武場今建公園改在西寺前舉行壇祭十六日行香儀仗莊嚴男女扮犯盛極

一時家有靈座者於十三接蒙十六日送蒙蒙者謂死者之魂也立秋日以燒酒西瓜爲節物又以節候早晚占涼燠諺云朝立秋涼颶三十日地藏誕婦女買魚蝦放生並颶夜立秋熱吼吼

有赴龍翔寺燒香以寺中有地藏佛像也其乞巧及賽總

管神會等仍如舊新纂

八月 朔日宜雨諺云八月初一難得一難得晴白露後忌雨稻花見日方吐

其時雨來不及收花所以多糝十二三晴則禾熟十五諺云白露前是雨白露後是鬼

為中秋節民間以月餅相贈遺好事者載酒挈榼清歌妙

曲往往微曙而罷是夜有雲主來歲元宵無燈僧尼架桌

于庭中焚香名燒天香二十四日為稻藁生日喜晴雨則

雖得穀藁亦腐秋分日宜雨諺云田怕秋旱人怕老秋社窮蓋旱必熱熱則損稻

日用磁器收百草頭上露磨濃墨治百病名曰天灸董志

初一日為甲子被難例行警心會與正月二十八日同今亦廢十二日

烏青鎮志 卷十九 風俗 六

為烏大將軍誕烏鎮各坊以牲醴祝誕舉行土地會中秋

節新娶婦家母家以月餅盛盤或箱餽遺名致秋節商店

為第二期節賑開單催收如午節崇福宮斗姥殿於是日

晝夜作佛事婦女沓至家家攜斗香至殿入夜焚化昔時

在僧尼寺庵舉行今為羽流道觀所作矣俗例又有中秋

夜更深人靜後私竊人家南瓜竊得者有得子之兆十六

日萬里無雲主來年大熟秋分又忌雨諺云秋分連夜是雨遲早一齊死

月清閒之流開鬪蟋蟀其秋社日所製天灸今已無聞其

餘均如舊俗新纂

九月 九日登東西兩塔踵龍山故事也是日晴則穀藁乾

冬至上元清明皆晴雨則皆雨寒露忌雷電主次年有水

十三日稻生日喜晴諺云九月十三日晴釘鞵掛斷繩雨則久雨主米貴霜

降前一日汎官揚兵祭旗燾農家滌場收稻隨種菜麥諺云

畜金取寶月言刈穫之忙也董志

初一日至初九日道觀禮九皇懺今在崇福宮九日登高白蓮

塔已圯今惟登壽聖塔登分水墩閣不甚盛是日宜晴諺云

重陽無雨一冬晴人家用赤豆飯祀竈此日築竈不須擇日十九

日俗傳觀音成佛日亦稱誕辰婦女入廟燒香甲子日宜

晴諺云秋甲子雨禾頭生耳霜降祭燾之舉汎官廢後已停其餘節候

宜忌仍如昔日新纂

烏青鎮志 卷十九 風俗

十月 朔日俗稱十月朝祀先舉墓祭與清明同宜晴宜西

北風立冬日同占望日禮下元如上中元節立冬雜菜果作飯

天氣和暖謂之小春又謂之曬糯穀天此時禾稼已登正

是農家沈醉佳處月內風頻作謂之十日五風信日漸短

諺云十月無工只有梳頭吃飯工小雪見雪主米賤月內有雷主疫主水

董志

朔晨日月升降相照名十月朝祀先祭墓與舊時相同士

紳赴楊園墓致祭小雪前後釀酒名小雪酒農家於是月

糶穀為米米厰開車碾米柏車收柏榨油陸陳行出莊競

購鄉米立冬節設靈之家親戚送紙舖蓋亦有以綢布為之紙手

爐焚化餘俗如舊新纂

十一月 冬至謂之亞歲官府行慶賀禮民間春粢團以祭

竈焚僧家所送節關祀先祖湖錄僧家節關錄亡人姓氏士大夫亦用之以祀其先甚

為無禮婦人獻鞋襪于尊長取履長之義諺云冬至前後灑水莫走極寒之候

也 至後九九歌一九二九相喚不出手三九二十七籬頭

吹簷築四九三十六夜眠如露宿五九四十五太陽開門

戶六九五十四貧兒爭意氣七九六十三布衲檐頭擔八

九七十二貓狗尋陰地九九八十一犁耙一齊出相傳至

後九日內有雨雪則每九皆然十七俗傳彌陀生日西北

風主米賤董志

烏青鎮志 卷十九 風俗

六

十一日為索度明王誕辰青鎮各坊以牲醴祝誕設筵散

福名土地會昔時眉日必演戲今廢冬至祀祖尤為隆重

諺云有則冬至夜無則凍一夜冬節糰亦重諺云冬節糰子年節糕俗稱冬節為小

年夜節之前後各商店赴鄉收賬名冬節賬田主下鄉收

租米年事伊邇閉塞成冬矣其所設獻鞋履長之俗今行

之於歲暮官府慶賀今已廢新纂

十二月 朔日值小寒主祥三日宜雨諺云十二月初三日陰濕到清明冬

至第三戌為臘臘前得雪三番謂之三白諺云若要麥見三白又主凍殺

蝗蟲子八日釋氏和果實作粥供齋名臘八粥十二日為蠶

生日村民屑秫為圓以祀竈入臘後動土無忌故時多營

葬者農家并力春一歲之糧用藁囤藏之呼爲冬春米

宋范

石湖有釀秫爲酒煮而藏之曰煮酒白麵作麩并白米白

水者曰三白酒家磨粉和餛飩爲糕相餉遺曰年糕歲事

將竣封羊豕報神曰燒常年紙速親友餞之曰常年酒

云諺

雞豚秋社芋栗團收二十四日掃屋塵丐者塗抹面目噉

舞于市卽古儺也俗呼跳竈王是夕祀竈例用糯米團餈

糖餅焚紙轎以送之二十五日用赤豆雜米爲飯食之以

辟瘟疫俗傳此日天帝下降權攝竈君事務察人善惡夙

興拈香燒燭虔心禱禮謂之接玉皇除夕人家窗牖屋檐

多插翠栢青松吉祥草并換桃符門神福祿宜春鍾馗和

烏青鎮志

卷十九

風俗

十九

合諸圖像家庭舉燕長幼咸集曰年夜飯爆竹撾鼓謂之
打耗有然爐或門外燎薪曰送年火家掛祖先遺像團集
達旦謂之守歲或有禱于竈請方出門聽市人無意之言
以卜一年休咎謂之聽卜此四時之略也至于生子三日
邀親友吃餛飩彌月剃胎髮親友致餽遺曰賀滿月一歲
製餅作試兒會曰拏周遇誕辰開燕受賀曰做生日曩者
貧窶之家或不惜揭債質物以將事近多從儉亦風氣轉
移之一驗也

董志

本月入臘名臘月支小更喊火燭

小更者鳴金擊柝每日黃昏行之喊曰寒天臘

月火燭小心前門關關後門重重柴間昔有十家牌冬防
灰堆照前照後謹防賊盜門戶要緊

局今廢由保衛團防守矣新娶婦家母家餽年糕名致年節親戚互相餽遺名年節禮送竈神今改爲二十三日二十四日僅掃屋塵二十五日俗傳諸神下降貧富均素食甚有食豆渣者其用赤豆飯辟疫之俗已廢封羊豕亦少有惟鄉村有合數家封一豕自二十五日後人家擇吉日以牲醴祀神名拜利市並祀祖先本月如小建無三十日除夕防雨歲底不足恐防天哭兒女有過房他家者餽糯米飯豆餅竹籬篛童帽等名餽年飯亦名狗飯取易養之意除夕新婦盛服獻鞋履於尊長名辭歲尊長賜錢於新婦名壓歲錢家有兒童均遺壓出嫁女子例不得在母家度歲是夕堂上高燒紅

烏青鎮志

卷十九

風俗

三

燭曰歲燭竈內煨以柴火曰年竈火煮飯備籮曰隔年飯商店爲總結束期先於送竈後分送賬單街衢收賬通宵達旦避債

者匿不見面名曰上殿家掛祖先遺像名供真及守歲等俗

仍如舊例家家製粉圓接竈神爆竹喧闐達旦乃止此四時俗尙有百年未變者有踵事增華者新纂

吳越爲南蠻其言駛舌然語皆有本如相謂曰儂應人曰我儂對人曰

你儂指他人曰渠儂出湘山野錄言人不決斷曰眠挺音如緬忝出列

子詈小兒桀猾不循理曰雜種出晉書言人急躁曰不耐煩出庾炳之傳男女冠笄曰上頭花葢夫人宮詞新賜雲鬟使上頭鄙人營生日經紀唐太宗勅曰滕叔蔣兄自能經紀小

食曰點心出唐書謂自誇曰賣弄小巷曰弄俱出南史水流

物去曰退吞和切出留青曰札人不易曰客氣出左傳呼盛

酒器曰壺瓶出井觀瑣言嗔人勿慧曰笨出晉書目物多為

無萬出漢書謂多曰鈎音如邁文選魏都賦繁富夥鈎又見

廣雅謂人喜過甚曰脫下頰出癸辛雜志應詞曰阿老子唯

之與阿以干求請謁為鑽出班固答賓戲言適意曰快活出

北史財不期得而得曰橫財出獨異志利市出易說卦多謝

出趙廣漢傳布施出周語料理出王徽之傳商量出易商兌

志致意出晉簡文紀見在出周禮有瓜葛出後漢禮儀志新

鮮出太元十字街出北史生活梁武帝謂臨川王宏曰阿六

烏青鎮志

卷十九

風俗

三

汝生活大可流落出孔氏雜說滑汰蘇軾秧馬歌聳踊滑汰

如鳧鷖附古作傳近出仲長統昌言子細出北史脫空出周史

又有土言無本者謂虹曰鬣嬉戲曰薄相薄者白也相者其也哄也城市

難通而不能行者曰火弄之類是也有反切一字以成聲者

以秀為鯽溜團為突團精為鯽令之類是也又有羹音若剛

又音若異打為黨解為嫁我為五儂為耨婦為務黃為王縣

為厭豬為知鷲為乎鬚為蘇死為洗其音大抵雜出于商徵

之間而羽音絕少地氣囿人曷足怪焉

董志

按江浙為文物之邦言皆儒雅即俗語亦有所本董志謂吳越為南蠻其言缺舌以數千年前之論施於近世

雖能稽古未可通今用特著之

新纂

以上四時十二月係屬平年若逢閏月名閏年人家有於閏

年合壽木製壽衣營壽壙完壽經者人死俗有完經之舉云受生時所欠陰債作佛

事焚化紙紮船橋庫楮箔等以此亦俗尚使然也以下新纂

雜儀又如婦有娠將娩母家以嬰衣蛋糖等物送往曰催生

以兒女出姓他家曰過房并有過房於神者如關帝姓朋友

訂盟稱昆弟曰換帖親戚遇回祿餽以飯肉曰送火飯建屋

上樑開讌曰上樑酒遷居設宴曰搬場酒送人進新屋曰送

熱屋集會設筵有十六人集會者有七人八人十人集會者

集會者各人賚錢赴會首次由首會得錢以後或排定或卜

彩搖得得後分期發還近更有標會人數無定除首會得出

外尚有餘會以標利高大者曰會酒商店開市請客曰開張

得錢亦分期發還不設筵

烏青鎮志

卷十九

風俗

三

酒此雜儀之大略也

鎮上敝俗亦有數端一曰貼價售產賣屋本已一紙杜絕乃

一再滋擾其賣住屋者為尤甚得主為息事甯人計姑給以

錢今成俗例此風現雖稍戢但置產者終不免略予補貼致

購屋之家必先詢明賣主然後接受一曰賭博鎮人習尚好

賭有終年恃賭為生計者新絲上市鄉航設賭鄉人愚魯竟

有以絲銀為孤注之一擲北柵吳江界時有搭棚開賭引誘

鎮人往賭官廳以區域所關不能制止近復有地賭名釘錯

聞其進出亦鉅此皆為地方之害一曰拐騙昔有搶孀逼寡

專恃二婚為生者今交通便利若輩亦改變其技為拐騙青

年女子

鎮市小戶之女鄉村養媳及青年有夫之婦

智識無定甘受其騙任隨拐

逃賣良爲倡爲害匪淺失女之家無力追究事多中寢匪類胆大愈演愈烈此大傷風化攸關治安者也一日游惰本鎮爲兩省交界之區游民本易混跡乃近有本地革警外來游勇夾雜游惰多方作惡甚有冒充偵探到處騷擾盜賊之源其由來者漸矣昔有同知署得以兼轄兩鎮今則此竄彼擾治安之權既非一致宵小之藪其何以肅清耶

民國肇興改用陽曆其始民間仍用陰曆惟政府及各機關學校實行陽曆十六年國民政府成立改陽曆爲國曆同時廢止陰曆民間亦不准沿用所有簿據賬單契約一律改用

烏青鎮志

卷十九

風俗

三

陽曆每年二十四節准照國曆計算但商店節賬今仍以端午中秋除夕行之惟賬冊票單則記陽曆日期其房租收付員工薪給則照陽曆計算吉事請柬喪事訃告則又以陰陽曆並列至一月一日爲元旦四月四日兒童節清明爲植樹節六月六日教師節等以及國慶日紀念日雙十節惟各機關各學校准期休假或慶祝民間照常工作二十四節俗例按照節氣行之學校春假暑假寒假均照陽曆星期日通商大埠商界均照例休假而鎮市未之通行也

陽曆二十四節歌

改用陽曆真方便

二十四節極好算

更

上半年來六廿一

下半年來八廿三

諸位熟讀

這幾句以後憲書不必看

早稻須耕田 立春雨水二月到 小麥地裏草除完
 三月驚蟄又春分 種田再耕八寸深 清明穀雨四月
 過 油菜花黃麥穗青 五月立夏望小滿 割麥插秧
 莫要晚 芒種夏至六月到 黃梅雨中難睜眼 七月
 大暑接小暑 紅日如火鋤草苦 立秋處暑八月過
 要割高粱玉蜀黍 九月白露又秋分 收稻再把麥田
 耕 十月寒露霜降來 黃豆白薯都收清 立冬小雪
 農家閑 拏去米麥換洋錢 只等大寒冬至到 把酒
 圍爐過 新年

按陽曆二十四節平分十二月一月至六月逢六日及廿
 一日則值節七月至十二月逢八日及廿三日則值節即
 有上下不出一日也周而復始年有定期月有定日農事
 工作祇從節氣不問陰陽曆日可也又陽曆四季亦以二
 至二分爲起訖大率二三四月爲春五六七月爲夏八九

烏青鎮志

卷十九

風俗

三

十月爲秋十一十二月爲冬

烏青鎮志卷十九